

近代中國史料叢刊第十一輯
沈雲龍主編

中西紀事
夏燮著

文海出版社印行

中西紀事原敘

道光庚子之夏洋氛不靖蔓延三載

成廩不忍生靈塗炭不得已而允撫事之情竊以夷人貪利志在通商自非前代要求割地之比惟防秋之備猶夏

尤嚴而閩帥疆臣計窮徒薪憂貽伏莽迫燎原勢熾猶復

照施而辭職尼談笑以謝關弓在當日築室朝謀垂室夕

警毋亦急何能擇而令

鼎湖龍叔之日輪臺自責平壤無功是則

陟降之惻詎非謀國之咎耶。時承乏臨城司訓一官首

指無和憂危而惡聲乃戢于村雜譎言又傳于市虎子是

中西紀事 卷首 敘

萬日增傷毀賊憤爰蒐輯邸鈔文報旁及新聞紙之可

據者錄而存之兩相枋國防口甚嚴珍此享帚之藏竊愧

挾書之懼恭逢

今上嗣位夷船徑赴天津梯航修好

上遠覽前事止吁邪于款塞卻楚貢之包茅辭之以禮不

惡而厥該夷遂遠巡而去夫螳臂之奮豈勝任于車輪磨

火之光自見消于日月況以彼不賓之荒服向已等棄地

于珠厓而鯨鯢焉拾魏絳和戎之滿壁關自求封之堅操

之威德兩無居焉

皇上訖綱獨斷新煥號斯旨正汪黃之罪以慰

在天之靈雪伯紀之冤以紓同民之怨徵臣需次京邸歎

聽

綸音竊謂逆命有苗民何累深仁于

堯舜而責備在賢者難逃直筆于董狐爰取昔日所藏

次成帙附陳凡見以當臚言藉備異日史家之采擇雖然

支離擗臂神人以爲大祥尸祝代庖君子譏其出位居閑

散而抱先憂之隱者毋乃類是欲加之罪其又奚辭時

今上御極道光三十年庚戌十二月

中西紀事 卷首 敘

中西紀事 卷首 敘

萬日增傷毀賊憤爰蒐輯邸鈔文報旁及新聞紙之可

據者錄而存之兩相枋國防口甚嚴珍此享帚之藏竊愧

挾書之懼恭逢

今上嗣位夷船徑赴天津梯航修好

上遠覽前事止吁邪于款塞卻楚貢之包茅辭之以禮不

惡而厥該夷遂遠巡而去夫螳臂之奮豈勝任于車輪磨

火之光自見消于日月況以彼不賓之荒服向已等棄地

于珠厓而鯨鯢焉拾魏絳和戎之滿壁關自求封之堅操

之威德兩無居焉

皇上訖綱獨斷新煥號斯旨正汪黃之罪以慰

中西紀事次敘

庚戌之冬需次京邸時值洋艘進退枋相搥歸爰取庚子以來英人入寇本末編次成映感之符中闕見通商日久中外錯居各以詐力相尙水火生于畛域柄鑿起于錐刀于是官租民則番怒租番則民怒番以其強民以其弱而交鬪之端復起竊惟取外之要不越勦撫二端乃出前而論擇將之難漢文拊髀而興嘆由後而論楚我之患江統蒿目而生憂豈無故哉孟子曰上下交征利不奪不賢今自通商以來中西交征利矣利之所在不爭不奪則奸勦猾吏交構其閉是則邊畔之相尋而無已也值天津用

中西紀事 卷首 敘

三

兵之後湖上無事乃續據十年來所聞見首台之前定之案分類紀敘釐爲十六卷中西爭競之關鍵略具于此若夫中國自有

聖人正統不數開位必謂侏儒昧任不齒于登教之中吐鴉柔燻反唇于族類之異拾野史之誣炫雷同之聽吾無取焉時咸豐九年己未九月

中西紀事定本目錄

咸豐十年。自浙返江右其年秋今曾侯以兩浙總督督師駐鄞門調入幕府時值輦轂之變奉

詔北援和議既成罷兵換約凡前後奏咨彙案及軍機摺章來往信函件次之撰爲庚申續記踰年回江供職親預於長江設關西上傳教之役又見續頒條約暫定章程雖法窮則變抑亦時勢爲之而魚以煩烹致碎羊以多歧而亡君子不能不於始作俑者三致慨焉爰取庚申以後續成數事增入中西紀事中合之爲二十四卷今次其目如左

中西紀事 卷首 目錄

四

卷之一

通番之始

卷之二

狎夏之漸

卷之三

互市檔案

卷之四

漏卮本末

卷之五

英人窺邊請撫

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



卷之六

粵東要撫

卷之七

閩浙再犯

卷之八

江上議款

卷之九

白門原約

卷之十

臺灣之獄

卷之十一

五口弊端

卷之十二

四國台從

卷之十三

粵民義師

卷之十四

大沽前後之役

卷之十五

庚申換約之役

中西紀事 卷首 目錄

五

卷之十六

天津新議續議

卷之十七

長江設關

卷之十八

洋藥上稅

卷之十九

小國換約

卷之二十

外夷助餉

卷之二十一

江楚黜教

卷之二十二

勦撫異同

卷之二十三

管蠶一得

卷之二十四

海疆殉難

是編草創未就得見同年魏默深中翰

源

所撰海國圖志愛其采摭之博惟其體例兼備四洲故于英人入寇

中西紀事 卷首 目錄

六

及海疆用兵之利鈍不具詳也特更起于通番漏卮原
于互市邊衅之生由辨於此原稿皆敘于各案下續據
海國圖志所載各稿案遂仿紀事本末之例蓋爲四卷
著始末也五卷以後邊衅本末多據邸抄及奏咨各案
參以西人紀載之可信者十五卷換約以後則條約章
程頒行各省尤爲班班可攷續論次之而以勦撫異同
管蠶一得殿焉卷末記海疆兩難諸臣悉以死事年月
之先後爲斷惟有則詳而核無則略而存蓋仿續冠紀
略補遺之例云時同治四年乙丑六月

中西紀事卷之一

江上蹇蹇

通番之始

歐羅巴居天下四洲之一其地在亞細亞洲西南洋之西而中隔以地中海曰歐羅巴總其洲之島岸名也曰大西洋以其海之方隅名也若其國名則中國之所謂大秦西人之所謂泰西也自古不通中國惟東漢時遣使一貢花
蘇宗立大秦傳而歷代之史因之傳言其人民皆長大平正有類中國故謂之大秦又言大秦嘗欲通使于漢而安
息貪以漢繒采與之互市故邊關不得自達至東漢桓帝

中西紀事 卷之一

延熹九年大秦王安敦遣使自日南徼外獻象牙犀角瑁
瑁始乃一通焉大西洋之名聞中國蓋鑄于此然不列王
會之圖遂闕職方之紀故後漢書但知其為海西國晉書
始言其在西海之西西海即今之西南洋五印度之地至魏書乃云從條
支西渡海曲一萬里方隅之可紀者如此若其地理之分
合建置之沿革則均不詳也惟元代版圖之闊亘古未聞
而太祖世祖封建屏藩但及于蔥嶺西南之五天竺明初
通貢之遠遣使頻仍而三保太監七下西洋第盡于紅海
東岸之忽魯謨斯雖西北界接歐羅巴西南界接利未亞
而一海之隔苦于問津無不自虛而反宜利瑪竇初至京

師而明之禮臣不識大西洋之為何地意大里亞之為何
國也然中國固不識大西洋之地而利瑪竇方自海外來
亦茫然安識其所謂大秦者蓋自與徐光啟輩交又得見
唐之大秦景教碑詳卷一以為與其國所奉事之天主教合
故中外稱之無異詞艾儒略者亦西人既載其碑于所撰
西學凡後又考其疆域序其島岸之國名而作職方外紀
大略言歐羅巴洲中七十餘國其大者凡十一國則佛耶
西即紀中之意大里荷蘭即紀中之呂宋即紀中之及
力西即紀中之俄羅斯即紀中之之屬皆在焉又言地中
海之西有意而蘭大語厄利諸島國即今之英吉利兼轄

中西紀事 卷之一

阿爾蘭者是也攷其分合之由則自漢以前皆統于額力
西即今之至東漢時羅馬浸張即今之意大里亞國并吞
各部歷四百年綱紀西洋一統最久六朝之季羅馬衰微
為北狄異特之族所侵分裂其地于是各部自王不相統
攝惟共奉一教主而其教皇世居意大里亞國中凡大西
洋受封廢立之事皆請命焉然不能執于奪之權也佛耶
西與于唐英吉利與于宋而一時歐羅巴洲各國如荷蘭
葡萄牙西班牙等經營貿易佔帆所達及于西南洋東亞
洋各間市埠英佛聞而繼之遂以是為通中國之漸矣明
自承樂以後數遣人下西洋示以通貢凡前後使至者

以百數而大西洋之國不與焉迨正德間佛郎西踞滿刺加之地遣使臣請貢方物後又乘倭寇之開縱橫海上占踞澳門而荷蘭葡荷亞繼之然明之諸臣迄不知其爲大西洋人直至萬曆開利瑪竇至京師始識大西洋之名而迄不知其與佛荷等國之或同或異也况自西士利艾等與中朝士大夫往返討論固已備悉其山川風土指掌列眉而修明史者尙墮雲霧中豈非臥榻之旁被人酣睡而不知者邪然則通番之遠莫遠于明而勤遠略于數萬里之遙遂釀近憂于二百年之久豈細故哉今參核明史及中外紀載之書著其可攷者于左

中西紀事

卷之一

三

明時大西洋強盛之國首推佛郎西時南洋之地有滿刺加者卽今之麻六甲佛人方欲開通市埠遂奪而踞之自此東行入中國備歷澳門粵東之地乃于正德十三年遣使臣來貢方物請封詔給其方物之直還之還其人久留不去剽劫行旅至掠小兒爲食已而貨絲綢守中贊許入京武宗南巡其使火者亞三因江彬侍帝左右帝時學其語以爲戲其留懷遠朝者益掠買良民築室立寨爲久居計十五年御史邱道隆請責令還滿刺加最土方許朝貢又御史何慈言佛郎機最凶狡兵械較諸蕃獨精前歲鴉大船突入廣東會城砲聲殷地留朝者違制交通入都者

禁格爭長今聽其往來貿易勢必爭門殺傷南北之禍殆无紀極祖宗朝貢有定期防有常制故來者不多近因布政失廷舉謂缺上貢香物不問何方來卽取貨致番舶不絕于海遂蠻人襍處于州城禁防既疎水道益熱此佛郎機所以乘機突至也乞悉驅在澳番舶及番人潛居者禁私通嚴守禦庶一方獲安疏下禮部議如御史言未幾亞三侍帝嬖倖從駕入都居會同館見提督主事梁焯不屈騰焯怒撻之江彬大詆曰彼嘗與天子嬉戲肯跪汝小官邪明年武宗崩亞三下吏自言本華人爲番人所使乃伏法絕其朝貢其年七月又攜土物求市守臣請抽分如故

中西紀事

卷之一

四

事詔復拒之嘉靖二年遂寇新會之西草創官兵追捕生擒二十四人斬首三十五級獲其二舟賊敗遁官軍得其賊副使汪鏐進之朝卽所謂佛郎機者也初粵東文武月俸多以番貨代至是貨至者少有議復許佛郎西通市者給事中王希文力爭之由是番舶幾絕其後巡撫林富上言粵中公私諸費多資商稅番舶不至則公私皆窘因言許佛郎西互市有四利焉部議從之自此佛人得入香山澳爲市而其徒又越竟商于福建往來不絕至二十六年朱執爲巡撫嚴禁通番其人無所獲利則內犯漳州之月港活嶼副使柯喬等禦劄之二十八年又犯詔安官軍連

擊于走馬溪生擒九十六人執悉用便官斬之恐執者御史陳九德遂劾其專擅執被逮自殺自執死海禁復弛佛郎西益縱橫海上無所忌而其市香山澳濠鏡者至築室建城雄踞海畔若一國然將吏不肯者反視爲外府矣濠鏡在香山縣南虎跳門外先是暹羅占城瓜哇琉球浣泥諸國互市俱在廣州設市舶司領之正德時移于高州之電白縣嘉靖十四年指揮黃慶納賄請于上官移之濠鏡嚴輸課二萬金佛郎西遂混入焉高棟飛蓋檣比相望閩粵商人趨之若鶩久之其來益眾乃于四十四年僞稱滿刺加入貢已改稱蒲都麗家守臣以聞下部議言必爲佛

中西紀事 卷之一

五

郎西假託乃御之萬麻中破滅呂宋盡擠閩粵海上之利勢益熾時又于隔水青州建寺高七八丈宏敞奇闊非中國所有知縣張大猷請毀其高墻卒不行以上皆初請番之互市于澳中也奉聚丁虎跳門外之浪白洋說海中一島嶼也大西洋人後至而思龍斷焉于是佛郎西自滿刺加來徑請封貢而葡萄牙遂以嘉靖開至荷蘭遂以萬曆開至然舟船往來咸取其稅第羈縻之使勿絕而已自濠鏡之徙則佛郎西首建城臺戍兵列炮儼若敵國諸番樂其便而趨之遂爲通逃之藪萬曆三十五年有番禺舉人盧廷龍計偕人都上書請盡逐澳中諸番出居浪白外洋

當事不能用其後何士督督粵令悉毀澳中城臺請番始稍稍有所顧忌而佛郎西亦因戒心懷去志矣天啟初徐如珂署海道副使因澳夷節詞請築再障之澳夷即葡萄牙非以備佛夷實而是時守臣復遣監司馮從龍毀其所築以自備詳見下而時守臣復遣監司馮從龍毀其所築之青州城漢中有青州曰番人于山上建寺即番人不敢拒然佛以求通貿易屢窺邊竟中朝疑之故當明之季增兵戍澳門專以防佛佛亦以猜逼不敢久留昔時兔窟之營已爲葡葡亞發其筭而窮其終矣以上參用張汝霖澳萬曆以後之事多有與澳夷混者由不知澳夷之惟葡荷專屬葡荷亞又不知葡荷與佛之均爲大西洋也惟葡荷亞以西洋小國先後來澳卒藉中國之援廣厚人居遂爲

中西紀事 卷之一

六

二百年專利之藪佛雖垂涎欲與之爭而國勢已不可復振又況強鄰之耽耽而議其後哉
葡萄牙者古之布路亞國其地在歐羅巴洲之西境今住澳門者或稱澳夷或稱大西洋從其朔也其入中國始于明正德開貿易于舟山甯波泉州等處嘉靖三十年遂來澳門是時諸番互市已自廣州移之濠鏡佛郎西初造城臺欲圖久踞諸番逼迫不自安葡荷亞乃納助于澳中官吏請廣以五百金貨其墾而居之于是自其本國舉家至澳凡爲戶四百二十有奇丁口三千四百有奇孽育蕃息遂長子孫佛郎西來去不常又自萬曆天啟開中國防之

甚遂不自安而諸番之來者輒藉澳夷爲東道主又假其名號以入市遂得以奇貨之居爲養生之計然紅毛屨以兵船窺香山澳稱奪市利葡人懼乃築砲臺仿造紅毛火器以禦之不得則告急于粵中官吏請備防兵蓋自託于

爲
天朝守海門固外圍而陰以自封殖也澳中城寨之建始自佛郎西而澳夷因之以爲利迫粵中大府遣兵戍之澳夷不敢言而實不運于藩垣之弛也值天啟之初紅毛出入于濠鏡澳夷藉戍守爲名請兵請餉請木石以繕垣墉時徐如珂爲海道副使昌言于兩府曰此狡夷嘗我也已
中西紀事 卷之一 七

而夷警寂然而澳垣日築百丈如珂遣中軍領兵戍澳諭之曰垣墉不毀爾人力少也吾助若毀不兩日而冀除殆盡夷相顧嗒暗自是稍戒心時值倭寇方平有言澳中諸番實爲嚮導請移之浪白外洋就船貿易而粵中大吏謂香山內地官軍環海而守彼日食所需咸仰于我一慎異志我卽制其死命若移之外洋則巨海茫茫好究安詰制禦安施似不如申明約束內不許一奸闖出外不許一倭闖入無敵覺無弛防慮幾相安無慮部議從之乃設參將于中路增兵戍防名爲備倭實則兼備佛郎西葡萄牙也然當時之季意大里人至中國徐光啟方與之講求麻法

而葡萄牙人亦以治麻聞于朝于是光啟奏用新法悉居其人于澳門而賜瑪諾者卽葡萄牙人也明史作波爾都音之自荷人主澳則大西洋之人方以類聚而東南洋諸番反以爲異族而驅之故明史以澳夷爲大西洋人而不能辨其爲何國也惟佛郎西終明之世窺澳不得而葡萄牙人以五百緡寄居貨屋遂得盤踞全島儼然視爲故物沿

至
國朝定制外洋之貿易于粵者船貨並稅惟澳夷但限以二十五船之額止輪船鈔貨則聽入洋棧中有買者爲出稅又自乾隆定制歸并粵東各洋卸貨之後悉回澳門住
中西紀事 卷之一 八

冬轉向澳夷賃屋樓止于是大西洋各國之過澳門者耽耽而視遂啟英吉利窺覷之端矣以上采自澳門紀略及皇清通政司商門葡人以忌佛郎西之故凡大西洋人之至者無不多方譏關之英吉利避其市埠每以兵船至澳輒託言戍兵代爲防佛貨則欲自取之直至道光中葉索得香港馬頭不復思澳而五港既開外洋俱得自市澳舶反少又不能爲有挾之求則富庶已非昔日之比矣其國終明之世未通朝貢至我

朝雍正五年始表貢方物乾隆十八年復貢

兩廟念其遠道輸忱從優錫賚而其國中人以天文家

入仕京師爲欽天監今其國尚在大西洋而明史無布路
並傳故其住澳之頗末但得見于佛郎機意大里傳中亦
不能詳也

荷蘭者大西洋瀕海之國東至日耳曼西連英佛諸國明
人所稱紅毛番族者也明史言永樂宣德時鄭和七下西
洋歷諸番數十國無荷蘭者蓋其時大西洋不通中國荷
蘭貿易之舟僅至南洋而止也初荷蘭人勤于貿易明時
攻佛郎西西班牙皆勝之遂由五印度奪葡荷亞市準泛
舟入南洋又取葛刺巴而據之至今南洋之地有所謂大
荷蘭小荷蘭新荷蘭者雖中奪于英佛諸國或分給其地
山南紀事 卷之九

與之和市而荷蘭舊華之名至今仍之可以知其貿易之
廣矣當佛郎西之市于香山澳也荷蘭聞而慕之乃于萬
曆二十九年駕大艦攜巨礮直瀆呂宋此南洋之呂宋以
呂宋之故宋也區宋人力拒之則轉薄香山澳求通貿易市
爲事難之不敢聞于朝但召其酋入城爲質之方遠之歸
而澳中人懼其登陸力爲防禦久之無所得乃去之福建
之漳州直抵澎湖嶼于三十二年七月值汛兵已撤如人
無人之墟遂伐木築舍爲久居計時有海澄姦民李錦及
參商輩之販于大泥者曾與荷蘭人習相與德惠之許之
賣市而總兵都司方以兵至先以計繫錦等下獄首始有

海意而仍乞通市不已于是撫按嚴禁姦民下海犯者必
誅由是接濟路窮番人無所得食始稍稍引去而是時佛
夷方縱橫海上荷蘭欲與之爭雄復泛舟東攻破美洛居
國即麻六甲與佛夷分地而守尋又至福建之臺灣侵奪其地
築室耕田久留不去海上姦民復與之互市遂再至澎湖
以求市爲名築城而守天啟初守臣以計毀其城遂移舟
去然其據臺灣自若也方守臣之毀城許以移舟之後爲
爲代請通市既而事不行番人怨乃掠漁舟六百餘艘復
至澎湖驅土人運木石將再築城又分兵犯廈門濱海郡
邑無不戒嚴時巡撫南居益初至見其勢益熾乃上言互
中西紀事 卷之一

市之求若不見許必至興兵構怨且臣聞其遣人四出將
要結交留巴即上文
葛刺巴大泥諸國與之合謀此必不可以理
諭也因列上調兵足餉方略部議從之四年正月大發兵
與荷蘭戰屢敗之荷蘭益窘求緩兵容運米入舟即退去
諸將以窮寇莫追請暫許之遂揚帆出澎湖留其渠帥荷
文律等十二人據高樓自守諸將破擒之獻俘于朝澎湖
之警以息然其臺灣之守卒不能奪也臺灣者舊爲日本
倭地紅毛初至嗜以重幣求給一屜爲互市區旋誘倭人
入天主教遂逐而據焉崇禎中有鄭芝龍者泉州人初附
倭家于臺灣倭既去芝龍以其眾入海爲盜旋經巡撫沈

猶龍招降之屬以平海寇功積官至都督同知十年敗荷蘭之眾徙沿海饑民數萬資臺灣荷蘭遂弱然猶擁紅毛二千歸城中芝龍亦尋去其子曰成功者芝龍娶後婦所生子也值明之季唐王桂王監國成功奉之以抗天兵漢寇閩浙江南順治十六年由海道寇鎮江至江南大兵擊敗之成功寇鎮江乃順治己亥事即十六年也其自鎮江以爲順治九年蓋誤以張名振之寇長江首之耳今據全祖望張應言傳文成功遁歸則閩中已無膏足地乃謀逐荷蘭以取臺灣會紅毛通事何斌連夷負遁投成功說其以水師從鹿耳門入十八年乘澎湖潮漲直抵鹿耳門登岸克其赤嵌城又與荷蘭相持半年

中西紀事

卷之一

上

屢敗之荷蘭遂棄臺灣走先是荷蘭因廣東巡撫請于

朝願備外藩修職貢十三年遣使發表京師

詔優答之部議以五年一貢貢道由廣東入

詔改八年一貢以示柔遠康熙元年鄭成功卒三年大兵

渡海克廈門時荷蘭請率舟師助勦以來板船乘勢追擊

斬首千餘遂取浯嶼金門二島時成功子經尙踞臺灣然

已疲弱不敢內犯中值耿精忠之叛轉相煽誘鄭氏復繼

十八年福建總督姚啟聖厚集水師復檄荷蘭夾板船爲

助鄭經既死內亂方作乃定計取臺灣二十年奏請以施

琅爲水師提督議先取澎湖乘南風進攻大敗之于是大

兵乘勝直攻臺灣泊海中十二日侯海水盛漲乃掩其不意由鹿耳門平行而入鄭氏之黨窮蹙請降乃擁鄭經子克塽內袒赴軍門繳上成功所受明印信臺灣遂平當大兵至鹿耳門時鄭氏聞之大駭以爲與其先人之取臺灣用兵如出一轍而不知荷蘭已先獻計請侯潮漲而取之以報鄭氏也臺灣自明以前不入版圖視爲瓠脫之棄地海上有警則遣兵戍澎湖以防內患至是臺灣平靖海侯奏言一島之懸實腹地數省之屏蔽棄之則仍以資荷蘭遂議內隸置郡縣焉然荷蘭始欲爭澳門不得已而去之臺灣遂與佛郎西邊患相尋無已而其窺覬澳中則屢欲

中西紀事

卷之一

上

取之而力未暇也以上明以前事參據明史及皇清四

武記及略裔改後敘 屋初鄭氏事則據魏源聖

崎亭集

歐羅巴各國在兩漢六朝之開莫盛于羅馬羅馬者今之

意大里亞國也後漢書爲立大秦傳正其國極盛之時全

洲之地悉與正朔又自王安敦遣使之後聲名遂通于上

國故後之言大西洋者託始焉大西洋之立國始于額力

西即今之希臘國其首部曰雅典首實爲聲明文物之區

而羅馬卒并之西人測天之學原于希臘羅馬既得其地

遂訪求其推步之師令國中人就而討論之故後世之言

天學者多推大西洋人而大西洋必首推意大里亞也若

天主之教起自東土之猶太國即西印而猶太以西漢時亦降屬于羅馬故耶穌教法借自意大利亞而歐羅巴之人悉宗之西人自序其教者言耶穌生天之後聖徒分走四方布其教有二大弟子一伯多祿一寶祿皆至羅馬都城講論天主事理人多信從此二聖之後又累有盛德之士相繼闡明至于總王公斯瑞丁者斯瑞即斯力西人稱君長之詞欽奉特虔盡改前奉邪神之宇為瞻禮諸聖人之殿而更立專殿以奉天主教皇即居于此以代天主在世布教教皇皆不婚娶永無世及之事但憑盛德輔弼大臣公推其一而立焉歐羅巴列國之王雖非其臣亦咸致敬盡禮稱爲聖

中西紀事 卷之一

父神師凡有大事莫決必請命焉以上據據此則今之教皇必在意大里亞者從其朔也然自明以前中國雖有大秦之名而莫辨其爲海西之何國泊明萬曆九年有西人利瑪竇自彼國泛舟九萬里至粵二十九年始至京師與中朝士大夫游而其徒來者益眾其論天下形勢則善有萬國全圖言天下有五大洲一曰亞細亞洲中凡百餘國而中國居其一二曰歐羅巴洲中凡七十餘國而意大利亞居其一三曰利未亞洲亦百餘國四曰亞墨利加洲地更大以境土相連分爲南北二洲最後得墨瓦臘尼加洲爲第五而域中大地盡矣又言歐羅巴諸國悉奉天主

耶穌教耶穌生于如德亞白德稜之地實爲漢哀帝元壽二年庚申又言中國大統回回麻皆疏舛不合實測乃持其本國推步之書出示士大夫皆爲中國典籍所未道者是時鄭世子朱載堉僉事邢雲路方奏請修改麻法因與大西洋之歸化人雁迪我熊三拔等共理麻事利瑪竇既卒於京師其徒皆久留不去時則有陽瑪諾鄧玉函畢方濟艾儒略龍華民諸人皆喋喋言新法有驗而湯若望羅雅谷方自西來遂以崇禎二年用徐光啟薦令供事麻局于是西人新法日益顯而明祚旋移卒不能用

中西紀事 卷之一

國朝順治二年湯若望再至京師上書言新法得旨令與南懷仁同入欽天監方依西人法造時憲書頒行而新安衛人楊光先首攻之遂起臺官之獄楊湯交訟六年以楊光先推閩不實實之法復起湯若望南懷仁爲欽天監正副官八年十二月當置閩南懷仁謂雨水爲正月中氣是月二十九日值雨水卽爲九年之正月不當閩置閩當在明年二月欽天監奏懷仁議是上亦嘉納之未幾三藩之亂上召南懷仁于養心殿命依水法造礮以備邊用旋因明年以來麻法疎舛乃普萃中西之同異取其借根方對數及以量代算之法

御製爲數理精蘊原象攷成二書于是西法如歐几里得
穆尼閣第谷諸人之書悉傳其錄而西士之在中國備臺
官者皆同預編纂之列自此中西二家悉去其門戶水火
之見欽天監參用西洋人遂爲定例實自意大利亞開之
也其國以康熙九年遣使入貢十七年

召見于 太和殿宴費遣歸雍正元年釋西洋人之有罪

者出之獄令還回本國由該國教化王表謝亦貢方物二

百年來意大利亞人之在京師者爲多其藉新法以陰行

其教法者則有之而邊鮮之賦不預焉

歐羅巴各國自羅馬衰後而佛耶西英吉利繼興然佛之

中西紀事 卷之一

初至明人不識其爲大西洋厥後占臨澳門通市澳鏡則

諸番之因緣而至者皆大西洋人也意大利亞之至京師

稍後而其寄寓于澳中者已非一日故明季徐光啟奏行

新法自艾儒略熊三拔等皆意大利亞人而其時鄧玉函

則日耳曼人龐迪我則呂宋人陽瑪諾則布路亞人

其國名則譯 皆至京師而實自澳中來故明季之濠鏡實

大西洋人一大都會也然則英吉利未至中國乎非也當

荷蘭求市于澎湖臺灣之開明人但以爲紅毛番族而不

知紅毛印大西洋之種類也英吉利之與荷蘭同在大西

洋即同得紅毛之稱明史記荷蘭事言崇禎十年紅毛駕

四船由虎視門薄廣州警言求市其酋招搖市上羣民視
之若金穴蓋大姓有爲之主者當道鑿鑿事譁畢斥或
從中撓之會總督張鏡心初至力持不可乃遁去蓋誤以
紅毛爲荷蘭之專稱乃意其爲鄭芝龍所敗而去之澳門
其實荷蘭于時並未去臺灣也

皇清四裔攷但言崇禎十年爲鄭芝龍所破餘猶據臺

灣而不敘其入澳門薄廣州之事

初年事故其下文云不敢窺內地者數年後始敢十年類

澳之事今攷雖刪去下文而移鄭芝龍之破于後以還

未將上下文一詳攷也蓋其時西人之書已出知紅毛非

荷蘭所得獨擅又以其尙踞臺灣也西人馬利通著外國

中西紀事 卷之一

史略言英吉利通商始于明萬曆間然亦無左證近見西

士所撰華英通商事略言明萬曆二十四年英之女主嗣

位欲修好于中國乃遣三艘具書幣入明舟行至中途遇

颶風而沒事遂寢至崇禎十年有舟長率貨船五由蘇門

答刺去之澳門爲葡荷亞人講開運之遂長舉至粵之虎

門展數日漸辨華言具道通商意華官許爲之請于大府

舟長喜張白幟以待不意又爲葡人之在粵者所讒令發

兵開炮逐之舟長憤甚乃拔白旗揚帆乘潮徑逼炮臺華

民拒戰不克守臺之卒盡潰乃奪而避之焚官署截得商

艇二小艇一大府慮啟邊衅復遣人慰諭之舟長自言此

秦非尋鮮但求通商與他國等又因來者以禮物賂大府
許之遂繳出他處貨而歸踰年遂不至云云據此則明
史所謂紅毛駕四船由虎跳門薄廣州者乃英吉利非荷
蘭也明人但聞紅毛之名即以爲荷蘭遂并非荷蘭者
亦闖入焉是則英吉利之名雖不著于明史而終明之世
不得謂其未至中國也我

朝海禁開于康熙二十二年平臺之後而據西人所記則
當鄭氏踞臺灣時英吉利已交市于廈門臺灣開厥後陳
昂任廣東總兵官奏言紅毛一種內有英主黎諸國奸究
莫測以後通市于粵浙聞其名遂顯具詳後卷互市檔案

中西紀事 卷之一

七

中今但記其見于明季
國初者以著大西洋通中國之始及英吉利窺邊境之漸
云

按歐羅巴洲即古之大秦國西人四洲之考考證明析
其後徐中丞維翰瀛環志略魏中翰源海國圖志爲證
以史傳知地中海者即大西洋之隔于亞細亞而天之
所以限東西也今總其要而論之范書言大秦爲海西
國所謂海者乃今之西南洋五印度之地濱臨東西紅
海而通入于亞利夫加洲界者也魏書言從條支西渡
海而萬里條支即今之西印度自此至利未加洲

之北爲地中海渡此乃至歐羅巴也今西人航海而東
者由大西洋開行過地中海循西岸南行繞出利未加
洲之界至大浪山乃始振舵轉而東北則隔海之說信
矣以此攷證後漢書所謂安息食以漢絹絲與之互市
故遮聞不得自達者正禁之不使渡海以白達于漢也
又言班超遣甘英使其國入海舟人言海中有思慕之
物使人悲懷若漢使不戀父母妻子者乃可入英卒不
能渡此亦安息使爲之詞既以遮聞大秦又以洞喝漢
使也西人未至中國不識大秦乃至利瑪竇初來自播
大西洋人而禮臣謂會典無其名不知其在于何地何

中西紀事 卷之一

六

論歐羅巴又何論意大里亞邪明史修于西士入臺之
後惟意大里亞一傳頗爲詳核其餘亦多譌舛如傳中
言耶穌生于如德亞其國在亞細亞洲之中西行教于
人至京師言天主耶穌生于如德亞即古大秦國此沿
西士艾儒略南懷仁之說蓋西人初至中國本不識所
謂大秦者及見大秦景教碑遂以大秦爲天主誕生之
地而不知如德亞實在亞細亞洲中不可強合是不審
大秦之別爲一洲也拂狹乃西印度之地去大秦尚隔
一海乃又襲新唐書之謬以拂狹爲大秦之異名而意

大里亞之確屬大秦者反遺之是不識拂蘇大秦之載
然爲一洲也佛郎西在大西洋而其自滿刺加來遂
疑其地之相近是不攷南洋島岸也澳門之夷但知其
爲大西洋不知其爲葡萄牙故敘事多與佛混甚至二
國同在大西洋又歧而二之是不攷澳夷沿革也至于
紅毛爲大西洋之種類而以其名專歸之荷蘭遂使英
吉利得冒之蓋自佛郎西屢犯邊境朝廷加意防守于
是諸番之至者悉疑爲佛郎機假託而豈知大西洋之
在香山澳盈數萬人盤踞其間狡焉以爭通商之利者
何國殘有迷途問津望洋而嘆無怪其知之不能盡詳
中西紀事 卷之一 九

歐羅巴之通中國惟佛郎西最早蓋其時倭寇方熾欲
以乘機領餉又自南洋取道無難遠之勢也葡萄牙之
來澳雖在嘉靖三十年而其通市閩浙則已步佛人之
後塵矣意大里亞之至京師差後而二十年前已抵香
山澳意其國中之先後來澳者已不少特海國圖志
謂佛郎西葡萄牙之入澳門入欽天監皆自意大里亞
開之攷其年月殊不符也意大里亞之入中國修朝貢
不爭市埠求利見不乞通商蓋亦諸番中之矯矯者至
于供事麻局則澳中人皆因緣而至明史言天啟崇禎
間東北用兵數召澳中人入都令將士學習蓋其時大
西洋各國俱有人而意大里亞葡萄牙之人爲多皆利瑪
竇開之也利瑪竇之師丁氏學于歐几里得即著幾何
原本者一遂得秘淑幾何宗旨據其書東來一時士大夫如徐光
啟李之藻輩首好其說又爲潤色其文詞新法之行實
始于此然當明季修改麻法徧致西士于是熊三拔龐
迪我等測驗于前湯若望羅雅谷等編纂于後植千戈
四起明祚不終遂爲開局已成之書而不能用遭逢
聖代龍興
仁廟天縱因其成帙用備時人之掌天之所用有開必先
遂爲一代授時改憲之權輿是則新法之自西而東誠

非偶然若謂藉以羽翼教法則其徒久居中上不過藉以餬口四方至于其說既行乃敢闢佛誘儒自樹一幟而豈利氏東來之本意哉然則非英佛之狡焉起疆則彼意大里亞者固猶然不侵不叛之臣至于今不貳也已

按自唐以來西印度之各部皆同國也天主生于如德亞而其地已爲回部所并故明史但有阿丹天方等傳而如德亞之名僅附見于拂綠意大里亞傳中蓋西土欲張皇其教法之出自歐羅巴故合大秦如德亞而一之而忘其相距之遠尙隔一地中海也如德亞即西人

中西紀事 卷之一

三

之所稱爲猶太者其地在大秦之東南初降于波斯後滅于羅馬當東漢羅馬方強越海而有之故亦得大秦之稱且其誤尙不始此也景教碑中有室女誕聖于大秦之語西人傳舍室女即天主之母遂以天主爲大秦產不知其下文云雲宿昔波斯規耀以來實是天主經像來自波斯而大秦竊之以爲己有耳波斯在亞細亞洲中與如德亞最相近唐之初羅馬已弱則如德亞仍隸于波斯故其教之西行卽在是時夷僧夸誕不謂大秦之源于波斯反以爲波斯之出自大秦不亦顛倒之甚乎況賜名大秦寺太宗貞觀之詔不著于史而據

冊府元龜所記元宗天寶四年之詔則本名波斯寺至是始改爲大秦其沿革固可攷而詔中所云波斯經教出自大秦者則仍襲夷僧之誕說也波斯即古條支之地今西人考定以爲安息國是當日臨海之甘英爲安息所遮聞者卽其地也西印度以西之東紅海西紅海卽亞細亞洲與利未加洲分界之地西紅海之盡處中隔旱路一百七十里卽歐羅巴之地中海與利未亞洲分界之地蓋大西洋之隔海隔于地中海而實隔于地中海紅海之間之陸路也徐中丞瀛環志略言西印度西行入紅海西北四千里而港盡至麥西麥西卽利未亞洲之首部

中西紀事 卷之一

三

之蘇爾士行旱路一百七十里卽地中海之東南隅其兩海之隔則海國開見錄所謂恨不用刀截斷者卽指此也按此旱道入大秦之捷徑當甘英臨海時無從得知而海道之遠安息西界舟人所謂須臾三歲橫及海中有恩慕之物等語亦係懸揣之詞蓋自明以來歐羅巴人始創此路曰條支之海道繞出利未亞洲之西境至極南之大浪山始轉而東北徐中丞以爲蘇夷士之旱路較此減程二萬是海道已增二萬又合紅海地中海之路則魏書所云從安息西界循海曲而至大秦四萬餘里者不甚相遠宜甘英之望洋而嘆自匡而反也

總默深謂條支都城在今回部之麥加

部阿爾伯之首
部如德亞非行

去安息已遠因疑什英所臨之海未必是紅海而臆

度爲條支東境之阿勒富海

讀其西印度
則能西印度

然後漢書但

言抵條支則自安息以西諸國皆得條支之名不必一

定臨其都城始爲抵也至于安息西界船人所告不過

沿途測津不必一定行至紅海之盡處始知二海之隔

也總之范蔚宗之言海西國不過指亞細亞洲之西南

洋而言若甘英所臨則已過安息入紅海而至利未加

洲界然亦不過在東西紅海兩岸之界必以爲行至紅

海之盡處漸絕流而後止則未免膠柱刻舟之見耳

猶夏之漸

江上窵安

亞細亞洲之西曰如德亞國西方天主降生之地也天主何人耶穌也耶穌何以名華言救世主也其生以西漢宣帝元壽二年庚申凡在世三十三年宣揚教化在印度之人悉宗之及其教西行入大秦則歐羅巴洲之大悉奉之于是大西洋各國皆以天主誕生之年起數不自立年號也初西人奉稱氏之教自佛滅後六百年而耶穌生以為人生一大事首在敬天爰追尋初祖上溯鴻蒙判十字

中西紀事

卷之二

以定四方合氣水火土四行之精華生萬物天外無神故無偶像無祈禱凡立廟設位陳牲酒施鼓樂貴神名者皆外道也耶穌以天為父自稱神子狀世上儼代眾生受苦以救萬世及其死也西人以天主稱之然自唐以前不聞乎中國迨太宗貞觀間有大秦上德阿羅本遠將經像來獻上京太宗謂大秦寺度僧二十一人世間七劫當代宗之建中二年有大秦寺僧景淨述其緣起撰景敘流行中國碑後漸遂以是為天主教入中土之嚮導其時所貢經二十七部無可效而所貢之像則三妙身無元真主阿釋訶又有三一分身尊彌施阿則三妙身之母

碑中所云室女誕聖于大秦者也一時中國又有三夷寺大秦一也祇神二也末尼三也解者曰大秦稱其國祇神著其所祀之神皆末尼則女夷之入中國者三教悉淵源于外夷而祇神之創天主遂為西人假託以為彼教之流行中土蓋千年于茲矣當大秦經像之既東也時又有為天方教者出于西印度之阿丹國主其教者曰穆罕默德生于耶穌後六百年而辭世于隋開皇之十四年至唐而其徒曰盛遂以回紇朝貢之期挾摩尼即末尼俱至京師私創耶穌佛祠朝廷弗能禁其教專歸大秦故自回回教行而大秦之教遂替宋元以來寂寂無聞直至明萬曆九年

中西紀事

卷之二

有大西洋之意大坦國人利瑪竇泛海九萬里至粵東又二十年始至京師中官馬堂以其方物進獻內有所貢天主及天主母圖又摺有神仙骨諸物禮部奏言其自稱大西人而會典無大西洋之名其真偽不可知又寄居二十年方行進貢則與遠方恭義特來獻琛者不同且其所貢天主及天主母圖既屬不經而所攜又有神仙骨諸物則唐韓愈所謂肉穢之餘不宜令入宮禁者也況此等方物未經臣部譯驗徑行進獻則內臣混進之非與臣等瀆職之罪俱有不容辭者及奉旨送部乃不赴部審譯而私寓僧舍臣等不知其何意乞給賜冠帶還國勿令潛居兩

京與中人交往別生事端不報帝以利瑪竇義遠來假館接餐給賜優厚卒不違而公卿以下咸重其人利亦安之遂久留不去卒於京邸自利瑪竇東來其徒先後至者日益眾時值麻官推日食多舛乃有五官正周子愚言大西洋歸化人龐迪我熊三拔等深明麻法其所攜麻書有中國職籍所未及者請令仿洪武初設回回麻科之例許通我等入局測驗于是西人之入中國者以推算爲名而陰行其天主教法遂有王豐齋者居南京專以天主教惑眾士大夫暨里巷小民聞爲所誘禮部郎中徐如珂惡之其徒又自誇風土人物遠勝中華如珂乃召兩人授以筆

中西紀事

卷之二

三

劄令各書所記博悉舛謬不相合乃倡議驅斥遂于萬曆四十四年與侍郎沈淮給事中晏文輝等合疏斥其邪說惑眾且疑其爲佛郎機假託乞亟行驅逐禮科給事中余蘇華亦言自利瑪竇東來而中國復有天主之教乃留都王豐肅陽瑪諾等煽惑眾不下萬人期望朝拜勸以干計夫通番左道竝有禁令公然夜聚曉散一如白蓮無爲諸教且往來濠鏡與澳中諸番通謀而所司不爲遣斥國家禁令安在帝納其言是年十二月始令王豐肅龐迪我等俱遣赴廣東聽還本國令下久之遲延不行所司亦不爲督發四十六年四月迪我等奏臣與先臣利瑪竇等十

餘人涉海九萬里觀光上國叨食大官十有七年近南北參劾議行屏斥竊念臣等焚修學道尊奉天主豈有邪謀敢墮惡業惟聖明垂憐候風便還國若寄居海嶼益滋猜疑乞并南都諸處陪臣一體寬假不報乃快快而去豐肅轉變姓名復入南京行教如故朝士莫能察也自明萬曆九年至此皆明史意大里亞傳文當明之季天主教入中國士大夫翕然從之者徐光啟爲首李之藻李天經馮應京樊良樞等相與附和且爲之潤色其文詞故其行日益廣時又有西士湯若望者進天主教書像圖說朝士相與提唱援引于是自畿輔開堂蔓延各省京師則宣武門之內東華門之東阜城門

中西紀事

卷之二

四

之西山東則濟南江南則淮安揚州鎮江蘇州江甯常熟上海浙江則杭州金華蘭溪閩則福州建甯延平汀州江右則南昌建昌贛州東粵則廣州西粵則桂林楚則武昌秦則西安蜀則重慶保甯晉則太原絳州豫則開封凡十三省三十處皆有天主堂以上據湯若望傳自明萬曆以後國初康熙以前其教不脛而走矣大秦之名始見于范蔚宗後漢書傳乃中國所稱謂者大西洋之人不知也自利瑪竇入中土得與徐光啟交自謂淵源于東漢繼以文備略得見景教碑遂授以證天主乃作西學凡一卷攷其時代源流湯若望又述耶穌之神靈異蹟及其受刑十字架

上代民贖罪之願末圖爲流布于是耶穌及天主之名遂大傳于世

國初之主持天主教者爲湯若望其精熟而聞之者則湯光先也湯若望者大西洋人從利瑪竇入中國以推步之學與羅雅谷並以崇禎三年奉詔供事麻局徐光啟奏請令其以西洋新法與中國大統麻較其疎密籌修新法算書一百卷由光啟進之于朝值于戈擾攘又奉制于廷臣之門戶不果行十七年詔李建泰平三晉以湯若望隨行修火攻水利遺甲申三月之變而止值我

朝定鼎若望遂以順治二年至京師上書言新法有驗並中西紀事 卷之二 五

進西洋儀器得

旨試行特命西洋人湯若望南懷仁入爲欽天監官乃照西人新法造時憲書頒行直省時有欲之新安術人湯光先者世習曉人之學爰具呈禮科謂憲書面上不應用依西洋新法五字不報旋于康熙三年狀告禮部摘其推算本年十二月戊午朔日食交會之誤奏聞奉

旨交吏部會審遂黜湯若望等授湯光先爲監副尋轉監正光先自以但明推步之理不明推步之數凡五請解職不許六年以推閏失實方請更正則憲書業已頒行遂下光先于獄議擬大辟秋審緩決乃以違戾過赦請自是復

用湯若望南懷仁爲欽天監正副官一時士大夫言天學者無不右湯而左湯光先自憤其先憂之隱不自于天下後世愛善不得已書攻其教法其略曰自利瑪竇入中國以來其徒黨皆藉麻法以陰行其天主之教于中土今聞堂京師宣武門外及各省凡三十處穴而實東之香山與盈數萬人盤踞其間成一大都會以暗地送往迎來而棋布黨羽于

大清十三省要害之地其意欲何爲乎其日食天象驗篇曰湯若望之麻法其推驗康熙三年十二月戊午朔之日食人人有目難盡掩也而世方以其不合天象之交食爲中西紀事 卷之二 六

進而附和之是以西洋邪教爲中國不可無之人而欲招來之援引之自詒伊戚無論其交食不準之甚即進矣而大清國卧榻之旁豈容若輩鼾睡從古至今有不奉彼國差夾朝貢而可度越我疆界者否有人質陪臣不回本國而呼朋引類煽惑我人民者否江統徙戎論蓋蚤燭于幾先以爲毛羽旣豐不至破壞人之天下不已茲著書願言東西萬國及我伐鼓與中國之初人盡是邪教子孫其聲我天下之人至不可言喻而人直受之而不辭異日者設有蠢動還是子弟拒父兄乎還是子弟衛父兄乎衛之義旣不可拒之力又不能請問天下人何居焉光先之愚見

清可使中國無好麻法不可使中國有西洋人無好麻法
不過如漢家不知台朔之法日食多在晦日而猶享四百
年之國祚有西洋人吾懼其揮金以收拾我天下之人心
如抱火于積薪而禍至之無日也其闢邪上篇曰天主教
不許供君親牌位不許祀祖先父母與率天下而無君父
首也而傳會其說者曰二氏終其身于君臣父子而莫識
其所謂天即儒者或不能無弊噫是何言也二氏寺觀供
奉龍牌是尙識君臣佛經言供養于辟支佛不如孝堂上
二親是尙識父子況吾儒以天秩天敘主教乎惟耶穌以
犯其國法釘死是莫識君臣耶穌之母瑪利亞有夫名若
中西紀事 卷之二 七

悲而曰耶穌不由父生及皈依彼教人不得供奉祖父神
主是莫識父子夫楊墨之害道也孟子拒之恐人至于無
父無君今天主之爲教也恐人至于有君嗚呼妄矣
徐光啟以麻法薦利瑪竇等于朝以數萬里不朝貢之人
來而弗議其所從來去而弗究其所從去行不監押之止
不關防之十三省之山川形勢兵馬錢糧靡不收歸國籍
而莫之禁古今有此翫待外國人之政否
大清因明之待西洋如此習以爲常不察伏戎于莽蕪一
窩發白餘年後將有知予言之不得已者又其下篇曰問
耶穌爲誰曰即天主問天主宰天地萬物者也何爲下生

人世曰天主憫亞當造罪其說言天始造人男女各一男
初賜延世世苗裔許躬自降生救贖于五千年中或遺天
神下告或託前知之口降生期至天祇報童女瑪利亞胎
孕天主瑪利亞欣然允從遂生子名曰耶穌故瑪利亞爲
天主之母童身尙猶未壞問主于何代何時曰生于漢哀
帝元壽二年庚申噫荒唐怪誕一至此哉夫天果有天主
則覆載之內四海萬物無一非天主之所宰制必無獨主
如德亞一國之理且既稱天主則天上地下四海萬物待
以宰制今天主下生三十三年誰代宰制之天地既無主
宰則天亦不運行地亦不長養而人物萬類不幾息矣天
中西紀事 卷之二 八

主下生救世宜過化存神聖仁講讓登一世于道照乃德
以瘦人之疾起人之死又安能錫一世之靈嗣以遺造化
之固有哉天堂地獄釋氏以善惡分乃彼教則但崇事耶
蘇母子者卽升之天堂不奉者卽下之地獄使奉者皆善
人不奉者皆惡人猶可言也苟奉者皆惡人不奉者皆善
人已顛倒賞罰乎謂佛墮地獄中永不得出誰則見之
而耶穌生釘十字架則現身劍樹苦海豈有主宰天地萬
物之人而不能自主其一身之性命乎以造化世界之上
帝而世人能戕之戮之者乎剽竊釋氏天堂地獄之唾餘
而反唇謗佛又援儒而謗儒歷引六經之上帝而斷章以

證其爲天主爾其救世之功則以瘞人之病起人之死無論不足爲主宰萬物者之功卽以此爲功則何如不令人病不令人死之功之更大也且利瑪竇之書止載耶穌救世功畢復升歸天而諱其死于王維湯若望雖不若利瑪竇乃並其釘死十字架上圖寫而直布之其去黃巾五斗米之張道陵幾何而世或以其制器之精奇而喜之或以其不昏不宦而重之不知其儀器精者兵械亦精適足爲我隱患也不昏不宦者其志不在小乃在誘吾民而去之如圖日本取呂宋之已事可鑒也詩曰相彼雨雪先集爲

中西紀事

卷之二

九

宮殿揖盜開門後患宜愆爾使今日言予爲妨口毋使異日神予爲前知是則中國之厚幸也夫光先既遇赦歸行至山東爲歐羅巴人毒死又以重價購其不得已書板毀之自欽天監復用西洋人遂爲定例而湯若望南懷仁等皆以憂職終卒于京邸于粵西洋人之相繼入中國者浸乎以進步入爲開堂之捷徑矣

直省開堂之禁始于康熙八年是時欽天監復用西洋人又因南懷仁推得實奉

仁廟特旨許西洋人在京師者自行其教惟不准傳教于中國及直省開堂者禁之然明季也

國初各省私設之天主教堂未奉追毀而西人方以得自行其教寺爲護符互相容匿于是開堂傳教之風久而愈熾五十六年廣東碭石鎮總兵官陳邦奏言天主一教各省開堂聚眾在廣州城內外者尤多加以洋船所瀝同類招引愚滋事端乞循康熙八年例再行嚴禁毋使滋蔓從之五十七年兩廣總督楊琳疏言西洋人開堂設教其風未息請循五十六年例再行禁止五十九年西洋人德里格以妄行陳奏獲罪從寬禁錮雍正元年

恩詔赦歸時聞浙總督覺羅滿保疏言西洋于內地行教聞見漸消請除送京効力人員外俱安置澳門其天主堂

中西紀事

卷之二

十

改爲公廨奏入得

旨遠夷住居各省年久今令其遷移可給限半年委官照看毋使地方擾累沿途勞苦二年十二月兩廣總督孔毓珣疏言西洋人先後來粵者若盡送澳門安置濱海地窄難容亦無便舟回國請令暫居廣州城內天主堂有年壯願回者附洋船回國年老有疾不能歸者聽惟不許妄自行走倡衍教說其外海之天主堂悉撤爲公廨內地人民入其教者出之二年二月毓珣又疏言廣東香山澳有西洋人來居此二百餘年戶口日繁至三千餘丁請將爲定額多者悉令歸附回國俱報可乾隆間西洋人私赴各省

傳教者日益眾經湖廣省查拏究出直隸山東山西陝西四川等省俱有私自傳教之犯奏聞奉

旨交刑部審擬永遠監禁嗣于五十年十月奉

諭前因西洋巴亞里央等私入內地傳教經湖廣省究出各省傳教之犯業據刑部審擬監禁第思此等人犯不過

意在傳教尙無別項不法情事且究係外洋不諳國法永

禁固因情殊可憫俱著加恩釋放交京城天主堂安分居

住如情願回洋者著該部派司員押送回粵示柔遠至意

欽此以上據皇清通文四裔門初大西洋人之入中國者意大里亞

之人爲多以利瑪竇係其國人方以類聚也自新法之行

中西紀事 卷之二

其徒日廣繼以

國初許其設堂京師自相傳教于是踵門受業之輩皆以

入京當差爲名而推步之學亦惟大西洋人獨擅之故歐

羅巴洲之各國聞風而來足跡遂徧于天下然其在官之

人則

國朝自有定制凡西洋人願入監當差者准先赴澳門呈

請然後由督撫咨送到部部臣查驗得實留京効用自後

卽遵用

天朝服色安寓京師天主堂內生于是館死于是殯不準

復還本國自傳教者私往各省交結民人往來自便封圻

大臣漫無稽察其知者又恐別生事端容隱不發因而此

輩久居中土給圖測鏡消息潛通雖

列聖懷柔示以大公不疑其別有不法情事而覬覦之漸

前于此矣

維時英吉利之國王雅治者欲藉以通好

天朝乃遣其使臣航海修貢乾隆五十八年英使入都奉

其國王表文求請貿易各款竝乞援俄羅斯往例遣人寄

住京師末及傳教之事意在弛禁以示中外一體華夷相

安按表文無此語蓋使臣在部呈請之詞純廟敕諭爾國留人在京言語不通衣服殊制無地可以

中西紀事 卷之二

安置若必似來京當差之西洋人令其一體改易服色則

天朝從不肖強人以所難至于爾國所奉之天主教原係

西洋各國向奉之教天朝自開闢以來聖帝明王垂教勸

法四方億兆率由有素不敢惑于異說即在京當差之西

洋人等居住在堂亦不準與中國民人交結妄行傳教所

請尤不可行英使禮畢告歸

純廟亦以禮遣之尋將賜答該國王

敕諭前後二道

頒付粵東疆臣載入檔案以上據魏源海國圖志所不粵中檔案蓋

聖人防微杜漸之深意也英國王所請不行復于六十年

由商船赴粵，附具書幣交粵督陳奏。又于嘉慶二十一年再遣使臣修貢中國，而其使臣初入粵東，即爭謁見儀注。

入。觀之目，又以彼國素奉天主教，無疏禮。

查廟卻其幣而遣之，自此始有厭望意。而其求在中國貿易及寄居京師澳門等處之蓄念不少。一時私赴各省傳教之徒，希冀網稍疏，益無顧忌。其故投七日政齋入廟禮拜，大都黑夜相傳，以符咒之術，愚民被惑，姦民乘之。于是家供十字之架，人持七日之齋，蔓延各省，不可究詰。而白蓮天理等教之變起矣。

白蓮教者，即末尼之支派。唐人所謂三夷寺之一，與大秦同入中國者也。其後回回教至，亦挾摩尼俱來。故其教介于天主教、天方二教之間。明之徐鴻儒倡亂山東，已有白蓮教匪之目。至我

朝乾隆之末，純廟訓政，接受禮成，是為嘉慶元年。時則苗寇未平，湖南四川教匪繼起。夏及河南陝西甘肅等省，其教以白蓮為名。大兵且勦且撫，凡八年而後定。十八年河南滑縣李文成直隸大興林清復以邪教煽動，四省約期內外相應。遂有是年九月十五日之變。其教曰天理，曰八卦，首尾五閱月，首從以次受擒。而是時愚民被惑，持齋誦經咒者率以

七七為名。遂有不跨十字架不食豕肉之禁。回教不食豕而不勝十字架，則天主之傳教，與回都無涉。方嘉慶中葉，廣發白蓮教匪時，百樹園、錦屏、兩江、緬甸、方、陝、升等先期剿之。堂下令從其教者，但跨十字架，復下豕肉一塊，吞之即死。而方榮升及一女尼，未二姑，頗善但求速決。傳生西坊，樂士卒不肯跨食，遂以起日正典刑。方是時，天主之教已皆出自中土，無賴之姦民，藉拜會繳錢以聚眾謀逆。又以同財同色為其教法之綱領，與傳教之大西洋人無涉也。然大秦回回末尼三教同源，而其教法亦大略相等。愚民受其左道之惑者，轉相仿效，自立名目。故自嘉慶以後，直省教匪謀逆之案，至今不息。又白英人內犯，攝其所刊耶穌書傳布中土，則姦民奉為枕秘，士貢讓撫

中西紀事 卷之二 古

越三年而有佛郎西人在粵呈請弛禁，郁臣不敢諾。于是各省會匪無不藉拜會為名，歸宿于天主教。馴至粵西起事，金田結盟，而其教益不可收拾。蓋履霜堅冰，所由來者漸也。

道光二十二年白門撫議成，議內所列傳教一款，言耶穌天主教原係為善之道，待人如己，自後有傳教者來至中國，各省須一體保護。地方官不得刻待禁阻等語。然但言傳教之人加意保護，未嘗許華人之習其教者亦一律寬容。蓋康熙八年以後之禁，器具在也。至五口通商亦無許其增設教堂，聚徒講教之明文。而白門議款定自英人佛

那西彌利堅皆不與焉其後二國商船赴粵相繼陳請佛
那西貨船之至中國者少而私赴各省之傳教者為多頗
不便于中國之禁而思有以變通之二十五年佛那西商
船赴粵尋詣總督衙門呈稱天主教勸人為善並非邪教
請弛漢人習天主教之禁時相國耆英方任兩廣總督據
以奏聞奉

旨交部議準海口設立天主教堂華人入教者聽之惟不
許奸誘婦女及誑騙病人眼睛違者仍治罪自此外洋人
寄居五港口者皆設天主教堂撥房為星經度之期以
七日一宣教法洋商於是日停止貿易入廟禮拜謂之安

中西紀事

卷之二

去

息日遂以為常然海口人民不服其教者亦以此風起而
端官吏調停中立而已咸豐八年天津之役英人糾集佛
那西彌利堅俄羅斯三國復請增定條約飭赴源中由
欽派大學士桂良尙書花沙納等至滬會商而佛那西意
在傳教故其八款內開凡法國人照舊約在通商各口地
方或長住或往來應聽其在附近處所散步動作毋庸領
照其上文云領照者專指通商之船隻言一如內地民人無異又十三款內
開凡被第八款條約入內地傳教之人地方官務宜厚待
保護凡中國人願信崇天主教而循規蹈矩者毫無查禁
倘有惡習向來所有或寫或刻奉禁天主教各明文無論

何處概行寬免時因廣西西林知縣張鳴鶴將佛國傳教
之馬神父神父者法人之尊稱論法處死由該國控訴入京
請于續增條約內將西林知縣革職緣由知照該國大臣
載入即報自此傳教習教之徒雖在華民亦張膽明目恃
外洋領事為護符益肆其官吏矣

源中議定維時欽差大臣桂良等方奏請

聖裁令四國使臣先後入都換約未幾英人以背約闖入
大沽口毀我防具遂有踰年五月之師夷眾敗歸還議亦
廢而外洋已將奏準天津新議乘入西人通書中十年美
人由天津入寇

中西紀事

卷之二

去

上狩灤陽恭親王奕訢留守京師遂于同年九月十一
二十七等日與英法法等國交換和約又于天津新議外細
瑣若干款願示各省督撫將軍遵照辦理于是法人又謂
續增條款謂應如道光二十六年正月二十五日

上諭即行頒示凡各省軍民人等傳習天主教許其會合
講道建堂禮拜且將濫行查禁者予以應得處分又將前
禁天主教時撤為公廨之天主教堂填墾田土等件應即
查明交還法國駐京之使臣轉交該處奉教之人照舊收
執並聽法國傳教之士在各省租買田地房屋悉由自
便等因當八年滬議甫定法人即于其年之冬以傳教為

名游于江湖間或數月或半年皆與大吏分庭抗禮至是奉到新議條款詳其傳教各省及交還舊撤之教堂地基等件于是法人前赴總理衙門請給護照游歷各省一時華人之從教者侍外洋爲護符藉以凌虐軍民督制官吏復奉

上諭總理各國事務衙門奏習教人眾請分別良莠飭令地方官妥爲辦理等語據稱法國條約內載天主教勸人爲善業經準行惟近來各省習教之人與不習教者往往彼此齟齬嗣後各該地方官務須查明根由持平辦理如習教者果能安分自愛自當一體撫字倘或倚恃教民作

中西紀事

卷之二

七

如犯科亦必照例治罪等因時則有湖廣江西拆毀教堂之後詳後此天主教興廢之本末也

按西人新法入中國湯若望羅雅谷等已于明季供事麻局而

國初因之然臺官之赫一時士大夫欲講求中西同聲異響西士入臺遂爲嚆人子弟所集矢先師汪衡齋先生來以嘉慶戊辰入

國史館繪修天文時憲志其稟本藏于家子謹閱首卷印及楊光先與湯若望交訟事至其不得已書之大略具見于正漁洋池北偶談及阮儀徵曉人傳中後在新安

又得其殘本讀之竊謂爭新法者不過沿明季門戶之見偶捕其日食交會之謬即羣起而攻之不足以闢西人之口而奪其氣惟尤先自謂明理不明數五清解職未嘗以推步自許也言中國甯可無好算法不可有西人亦未嘗極詆新法也若其著書自稱不得已者比于孟子之距楊墨是則尤先所攻其教法非攻其新法也其言孟子之距楊墨恐人至于無父無君今天上之爲教恐人至于有父有君可謂辭嚴而義正矣尤先訟不勝卒爲西人所害後來言推步者遂謂其子天學全無所解比之妄人乃至王尙書阮相國采錄其詞亦

中西紀事

卷之二

六

以此爲中西爭新法之關鍵豈得爲知言哉夫其苦口危言不幸億中伏莽有先幾之識開內無遠慮之人封疆大吏不務綢繆借國老謀視同癩疥遂梗禍階于今日反推尤覺于曉人良可慨已今英吉利要撫白門欲弛傳教之禁不數年而佛郎西在粵陳請遂并華人之習教者而亦弛之部臣不能援引檔案以開執其口而認總焉謂誤撫局從權照覆不知當

國初時西人之在京師者仁廟許自行其教不過示以敘戎柔遠之至意所謂修其教不易其俗齊其政不易其宜乃我

則不款以中國之教強外邦而西人乃得以外邦之教煽
中國是實生所謂倒懸之勢也然則光先所論固已燭
其幾于二百年之前矣

當雍正元年因閩粵督臣請毀天主教堂撤爲公
廩時有湖北黃岡吳德芝記其事云自西人設立天主
堂細民有歸教者必先自斧其祖先神主及五祀神位
而後主教者受之名曰喫教人按一名與白銀四兩贖
其門以赤紙上畫一長圈中列十字架刀錐鉤柳皆具
或曰其所奉神以碟死故門畫碟器也每月朔望男女
齊集堂中圍門誦經及莫始散有疾病不得如常醫藥

中西紀事

卷之二

九

必其教中人來施鍼灸婦女亦僕體受治死時主者遣
人來斂盡驅死者血屬無一人在前方扇門行斂斂畢
以膏藥二紙掩屍目後裹以紅布囊曰衣胞初其項以
入棺或曰借斂事以列死人睛作鍊銀藥生前與銀四
兩正爲此也故死時若不使聞知不聽其斂法者謂之
叛教卽令多人至其家凌辱百計權四兩之予母而索
之窮民感于此每隨其術中而士大夫之嗜利無恥者
皆幾其鍊術可得相與尊信之稱之曰西儒而其主如
所在地方必與其長吏相結厚俸遺有爭則官長徇庇
之以故其教益張所刻口錄一書其說極狂悖工繪畫

雖刺本亦奇絕一情中烟雲人物備諸幻態而尋其理
皆世俗橫陳圖也又能製物爲像婦人肌膚骸骨耳目
齒舌陰竅無一不具初折疊如衣物以氣吹之則柔轉
溫暖如美人可擁以交接如人道其巧而喪心如此康
熙中黃岡令劉公澤博深惡之議毀其廟遂其人胥吏
有從其教者懲以重典不旬日而上官下檄反責以多
事蓋錢可通神也雍正二年浙江制府滿公名見上言
其惡朝廷納之禮部議覆奏

中西紀事

卷之二

十

至澳門安插其所造天主堂令皆改爲公廨凡誤入其
教者嚴爲禁諭令其改行如有仍前聚眾誦經者從重
治罪地方官若不實心禁飭或容隱不報如之三月奉
通檄盡逐其人以其堂爲義學公所百年污穢一旦洗
濯因書其事如此按此書見采于梁中丞言第所著
浪跡叢談言此事在雍正初至今剛踰百年而其欲復
張甚爲可恨云云又魏源海國圖志天主教條下云查
西洋之天主教不可知若中國之天主教則方其入教
也有吞受丸藥領銀三次之事有掃除祖先神主之事
其同教有男女共宿一堂之事其病然有本師來取眼

賄之事凡入其教者給銀一百三十兩爲貿易資本虧折許復領領至三次則不復給仍贖之終身受教者先令吞丸一枚歸則毀祖先神主一心奉教至死不移有泄其術者服下藥見廟中有物蠕動洗視之則女形寸許眉目如生詰之本師曰此乃天主聖母也入教久則手抱人心終身信向不改教矣凡入教人病將死必報其師師至則妻子皆踞室外不許入良久氣絕則教師以白布裹死人之首不許解視蓋目睛已被取去矣有偶入教者欲試其術乃伴病數日不食報其師至果持小刀近前將取睛其久奮起奪擊之乃踉蹌遁聞夷市

中西紀事

至

中國鉛百斤可放火銀八兩其餘九十二斤仍可賣還原價惟其銀必以華人購點之乃可用而西洋人之購不濟事也按歐傑所論與黃岡吳君大略相同而吞受丸藥則傳教者得手之初恃此以爲左券之握蓋藥性初發狀類癩狂因有劈毀祖先神主之事迫藥性既下則心如癡醉不但禮拜喫齋樂于從命即使裸體受辱亦所甘心是則所謂手抱人心終身不改必有妖物馮之者矣又聞傳教之上周歷各省凡深山窮谷靡所不至有不信其教者則於其入堂講勸之際暗施此藥于茶餅中不覺時而本性潛移默依不二矣至同教男女

其宿一堂何以有黑夜傳情之事則以本師預目其婦人之白首者臨時投以藥餌受者不悟而吞之能令有女懷春雉鳴求牡蓋卽世俗春方之品正所謂鴆以爲媒者也然則部議所云奸誘婦女誑騙病人眼睛者不能拔其傳教之根株而但舉此曖昧無憑之端以示懲警是猶閉男女于一室而禁之交媾遇屠人于市中而勦之戒殺豈非掩耳而盜鐘者歟

天主教之假使乎我

中西紀事

至

朝乾嘉之際直省教匪公行一時傳其教者謂之七七教而效其教法則不出吳魏二君所記之數事是雖未嘗糞入室之戈而卧榻之旁已被西人鼾睡矣自英人請立傳教之條佛人請弛習教之禁于是各省拜會無不藉天主教名卽非天主教者亦假託之粵西軍興則有馮雲山洪秀泉楊秀清等共結金田拜上帝之會謂上帝爲天父謂耶穌爲救世主又杜誦讀美經謂天父鴻恩廣大不惜太子遭降凡間捐命代贖大都剽竊耶穌書中語以誘脅從之愚民令每飯誦之迨咸豐三年粵匪攻羅江甯則有上海不肯之外洋領事欲藉以微利徑乘舟由海運至江甯與之聯敘通款遂釀是年八月

上海劉麗川之案時又有粵東紅棍賊者據會中丞
奏摺內言近來粵中大吏不許人提及會匪二字因
而該匪等家無顧忌謂大憲並不禁人拜會我等樂得
結拜遂至蔓延通省及于廣西今竟禍連吳楚當二十
四年有外匪來至臣籍之香山在于港口降都各鄉誘
人入會始猶數十人于夜間結拜後則千百爲羣行之
白晝其結拜之處凡有路口俱用鎗炮把守以防官兵
圍擊凡人會者每人斂錢三百其黨引得一人人會者
則分錢二十文其已結拜後再看人結拜者謂之看戲
亦得分錢十文結拜之時設一紙帳城上所供未知

中西紀事 卷之二

美

何牌位旁坐一白衣白帽者謂之亞媽入會之人俱穿
刀門而入踞聽亞媽教授隱語各以縫針針其指頭出
血水一鍾各飲一口亞媽乃高聲念悖逆之語眾皆
齊聲答應而起云云按西人崇奉天主有亞尼瑪之學
亞尼瑪者華言靈性也天主之母曰瑪利亞義亦如此
此皆冀西人之睡餘而張皇其教法者至血水一鍾各
飲一口其應如響此必禱以符咒方藥如傳天主教者
吞丸一枚卽終身信向之類予以爲必有靈物焉之者
以近年之所見知之當壬寅撫議定後踰年而發帛之
獄起微甯一帶惑形家言久厝不葬俾傳其事相與戒

嚴然其所發皆新喪衣物無所取惟死者之頭輒連并
整疑其取頭髓也一時鄉里無賴之徒遂乘其間以發
富家貴人空墳竊其珠玉冠衣乃有歛縣相侍郎及涇
縣潘河帥之先塋事發奏請鞫阻嚴緝而殘尸之眞盜
無所得時大吏通檄各州縣以爲青蓮匪窳然絕無左
證聞三年而有浙江蕭山小兒之案方其急病而死數
日之間傳染數十家無識之者有其尸偶尋視其小兒
瘞處被入掘發斧其顛骨傳之比戶無不皆然方悟其
爲妖術也貧家小兒墜于門外有過者投以瓜果實欲
其中有頃小兒墜仆在地適有善醫者過視曰此謎藥

中西紀事 卷之二

善

也兒實不死奈何棄之遂傳解謎方如其法急救而蘇
者全活無算然一兩月間流毒南北各省及于畿輔羣
轂之下御史奏請嚴緝而各州縣繫獄鞫治者亦多流
備走丐賣方操卜之徒卽偶有刑逼認供者亦卒不能
得其情實于意邪教中符咒方藥欲藉人身精氣之靈
而顛中之髓又其精靈之最聚者此輩以左道惑人預
爲魔蠱之用初取新死者之髓不驗乃謀取其生者故
以謎藥投之小兒使其辭不至死待其棄之漏澤則加
採丸蠶底得珠領下不啻取諸其懷而生致之矣然操
其術行數千里而不敗露者豈真鬼域之技能通其形

而齊吏因緣文網疎縱欲以圓猛虎于決藩之後制蛇于斷腕之時不已難乎此道光二十六年事是年當丙午陽亢之運又其事起于午未之月予以告里中父老謂東南數年之後必有大獄未幾而粵西告變矣西人自弛禁之後傳教入中國者佛耶西之人尤多近年來始有傳其取嬰兒腦髓室女紅丸之事播入人口蓋又于天主堂後兼設育嬰會也道家修煉其下者流入采補此固邪教中必有之事增記于此

中西紀事 卷之二

佛滅度六百年後而有耶穌是為天王教耶穌治世又六百年後而有穆罕默德是為天方教此三教之先後消長升降于西土者也佛生于中天竺而天竺天方皆生于西天竺此三教者皆在亞細亞洲之界與極西之大秦無涉也然佛教之行自西而東故由天竺而至中土天主教之行自東而西故由波斯而入大秦若天方者植羅馬之衰遂并其東土之西印度諸國自立一教有不願者輒以兵脅之故始行于蔥嶺之東西遂及于震旦之南北惟歐羅巴人與之為仇故二教雖並距西土已分水火之局而收其所自來則皆婆羅門之支流餘裔也佛經有婆羅門天祠斥為外道而唐陳元奘使

靈

中西紀事 卷之二

西域經歷各國之奉祀天神者皆以為婆羅門種是其教起于佛氏未出以前而再盛于佛教既衰以後若天主之變而為天方則又其最後者觀其創頂留鬚七日禮拜與夫分水土為地體之二行作十字為天方之交綫此其捨天主教之糟粕且不必論而台二教之書論之天方古史稱阿丹為治世之初謂傳二千年後洪水汎隘有大聖努海受命使其徒四方治水云云此全襲泰西創世記中語曰阿丹治世即所謂天選亞當下世肇生人類者也曰努海治水即謂中所云挪亞避洪水之難率其子孫散處四方者也摩西本以色列之族

美

紀年以耶穌之降生起數。回部紀年以穆罕默德之降世起數。梅真城據回國風。以推穆罕默德降世之年在隋文帝開皇十四年申寅。上距漢哀帝元壽二年庚申。天主降生正合六百年之限。是則爾撒耶穌之非二人。毫無疑義。理初又引回人幹爾察經。塞與歐音之傳言爾撒聖人若亦阿丹之後。立教敬天為主。傳徒繁盛。戰勝攻克。或通其妻。託求異術。爾撒告妻。畏人縛髮。妻于是夜暗繫其髮。仇至。遺擄。便被殺害。其徒憤天不垂佑。乃奉天主不復事。天云云。此與湯若望所記耶穌被害釘死十字架上同一無稽之野語。而受擒死于非命。大略相同。

中西紀事

卷之二

毛

且其時已稱爾撒爲天主。尤是一非二之確證。蓋自二教既分。別至數典忘祖。同室操戈。于是西人主耶穌而奴爾撒。回人主爾撒而奴耶穌。實不悟其爲一人。卽有知者亦諱不欲言。乃自於其六百年一語。供證確鑿。然後知天主天方固自一家眷屬也。抗世變續。教攻既混。天方于大秦鎖大。所跋景教碑尾。謂耶穌生當隋開皇之世。又誤以穆罕默德降世之年當之。總緣二教爭勝。皆援唐碑景教之文。故考據家不能別其同異。要知天主本非大秦之產。大秦亦與回部無涉。此不足與之辨。但據其後來之教法論之。則天主教固拾佛氏之唾

餘。而天方教又拾天主之唾餘也。非猶二教自分門戶。卽天主教歐羅巴人所奉。亦不盡同。其總名曰克力斯頓教。後遂演其派爲三。一曰加特力教。卽舊天主教。今意大利亞佛郎西等國所行者是也。一曰額利教。今俄羅斯所行者是也。一曰婆羅特士頓教。一曰算羅特士頓教。轉音對音也今英吉利荷蘭彌利堅等國所行者是也。婆羅特士頓者。英人謂之耶穌教。始于明時。日爾曼人路得所立。遂與天主之舊教分。今英制國王將嗣位。則大臣咸集巴厘滿。衙門會議。必新王背加特力教。而崇婆羅特士頓教。乃其立之然則。天主耶穌以一人而分二教。

中西紀事

卷之二

毛

遂亦如水火柄鑿之不相能。此又何說。故曰六合之外。聖人存而不論可也。

中西紀事卷之二

中西紀事卷之三

江上變交

互市稿案

國朝康熙二十二年滅鄭氏臺灣平越二年臺臣請開海禁報可于是設權關四在于粵東之澳門福建之漳州府浙江之甯波府江南之雲臺山時荷蘭以助攻鄭氏有功首請通市大西洋素稱饒沃又其人勤于貿易多操海船為生涯自荷蘭得請則明以前之未通中國者皆爭趨之英吉利者大西洋之強國也自明以來拓地漸廣開通市埠及于東南洋當康熙之初即謀通商于澳門以海禁未

中西紀事 卷之三

開而止九年鄭成功之子經方踞臺灣英商來往于廈門臺灣等處凡數成鄭滅其稅而歸廢之藉以控制荷蘭未幾敢鄭交兵藩臣內亂

朝廷議先定沿海邊界防外洋之助鄭為患者于是英人以華商交易不便復去之及臺灣隸入

大清版圖英人又疑新拓之區稅則必重乃舍閩赴粵東又時來往于浙之舟山甯波等處而其時英吉利之名不善但其為紅毛之番族而已五十六年總兵陳昂始奏稱粵東紅毛有英圭黎諸國最為奸宄蓋其時通市于廣州澳門等處屢以粵關索費太重糾洋商合詞爭之雍正

之初又議增收禮物銀兩乃于七年合詞控于大府得稍稍裁減未幾官吏又增出口之稅于是英人始有移市入浙之志矣初浙之海關設于甯波舟山向未置縣商船出入甯波往還百數十里水急礁多往往回帆徑去迨定海既設監督張聖詔始請移海關于定海部議從之乃于定海城外道頭街之西特建紅毛館一區以為番船來往之遊旅自是浙之定海商船日多英商以粵中不便數來往舟山見今昔情形之異乃定計爭之乾隆二十年英舟泊定海港有總商喀喇生通事請任羅議于浙之甯紹台道願在定海納餉許運貨至甯波府聞粵兩督聞之以其利

中西紀事 卷之三

浙稅之輕而致關課之細也二十二年閩粵總督上言浙關正稅請視粵關則例酌加增一倍部議從之奉

旨洋船向收廣東口由粵海關稽察徵稅浙省甯波不過偶年一至今奸牙勾結漁利至甯波者甚多番船雲集日久留住又成一粵之澳門矣今更定章程視粵稍重俾洋商無所利而不來以示限制意初不在增稅也未幾部臣復議外洋不準赴浙貿易定制歸并粵東一港每年夏秋交由虎門入口是時方賊絲助綢緞出洋之禁英吉利雖時時違制潛赴甯波無所得仍遵新制在粵通市粵中初設洋商通事洋行據為龍斷之利誅求不已串通官吏規